

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126164](#)

De Secundo.

Transibimus nunc ad alteram partem,
χριστονασιαν, sive notitiam Domini nostri Iesu Christi meditaturi. Hic nobis contemplandus proponitur:

I. *Tanquam severus objurgator.* Non enim statim paratus morem gerit huic Regio, ut ille speraverat: sed ante objurgat, sine dubio propterea, quia hactenus parum de Christo sollicitus fuerat, jam vero, ubi in aie quasi novacula versatur, putat, Servatorem sibi, utpote Regio officiali continuo ambabus manibus auxilium suum oblatum esse; ideo inquit: *Nisi signa & prodigia videritis, non creditis.* q. d. novi vos aulicos, qui rebus secundis parum Deum ejusque verbum curatis: rebus autem adversis signa & prodigia expetitis, sine quibus nullam fidem habetis.

O quot adhuc hodie inveniuntur, qui Christo, e jusque ministris nullam fidem habere volunt, quia signa & prodigia non vident. Si, inquit, Deus de celo signum daret, ut verbis ministri ignem celo dejicerent, velut Elias, 2. Reg. 1. v. 10. aut palliis suis aquam percutiendo dividere possent, ut Eliseus, 2. Reg. 2. v. 14. aut voces & pluvias de celo impetrarent, sicut Samuel, 1. Sam. 12. v. 18. aut cœcos videntes, & claudos ambulantes facerent, ut Apostoli, sic fidem illorum verba mererentur.

Quia vero id non fit, sed in præconibus nihil videtur nisi miseria & simplicitas, nec quicquam ex ore eorum auditur, nisi sermo de cruce, 1. Cor. 1. v. 18. ideo quoque fides nulla, obedientia nulla sequitur, sed potius querela Esaïæ locum habet: *Quis credit auditui nostro?* Esa. 53. v. 1.

Quin Epicurei dicere non verentur: si mortui resurgerent, & penitentiam prædicarent, Luc. 16. v. 30. Si lapides clamarent, & penitentiam annunciant, Luc. 19. v. 40. Si sol obscuraretur, & petræ scinderentur, Matth. 27. v. 52. si fulgur hunc velillum circumfulgeret, & prosterneret, uti Saulum, Acto. 9. v. 3. id non insuper habendum foret.

Hi omnes sine fide sunt, qui verbum & sacramenta despiciunt, & interea signis & prodigiis inhiant, cum tamen unice ad verbum relegati simus, juxta illud: *Ad legem & testimonium, Esa. 8. 19. 20.*

Cum his & similibus incredulis & miracula affectantibus, Christus & que non contentus est, ac non contentus fuit cum hoc regio. Quando piî præcones ad exemplum Christi, ejusmodi incredulos justa reprehensione notant, non propterea improbandis sunt, sed potius quæ munera sui sunt, faciunt, ne cœtu absterri debent, funēnum Dei ministri, i. Cor. 4. v. 1. & prædicare tenentur, quæ mandavit Deus, Jer. 1. vers. 7.

Genuini Christiani imitentur Regiom hunc, dicentes cum Davide: *Corripit me justus in misericordia, Psal. 141. v. 5.*

II. *Tanquam fidei angulator.* Initio enim fides Regii hujus, valde infirma est, dum quidem fiducia alitur, Christum filium suum curaturum esse: sed quod absens eum juvare, aut mortuum resuscitare posse, id minime credit, dum Christus ipsum affatur: *Vade, filius tuus vivit,* quo ipso fidem in corde ejus excitat, ut verbo huic credens, certam fiduciam habeat, se filium suum, domum reversorum, solspitem & sanum inventurum esse.

Hac

Hac ratione adhuc hodiè Christus fidem in cordibus nostris accedit. Neque enim immediatè, ut Enthusiaſta ſomniant, cor- dibus nostris infunditur, sed ex verbo hau- riri debet, quod ſtudiosè eum in finem audiendum eſt, ut dicamus cum Davide: Lu- cerna pedibus meis, verbum tuum: & lu- men ſemitis meis, Psal. 119. v. 105. Fides e- nim ex auditu eſt, Rom. 10, 18.

Et quando fides hac in nobis vacillare incipit, itidem nemo melius nobis subve- nire poterit, quām Servator noster, de quo prædictum: quod calatum quassatum non contritus, & linum fumigans non ex- ſtincturus sit, Eſa. 42. v. 3. Oremus modò cum Discipulis: Domine, adauge nobis fi- dem, Luc. 17. v. 15. & cum patre Lunatici: Domine, credo quidem, fed tu ſuccurre in- credulitati mea, Marc. 9. v. 24. Si hoc fece- rimus, dabit laſſo virtutem, & hi, qui non habent fortitudinem robur multiplicabit, Eſa. 40. v. 29. ut penetremus, & ad ſalutem custodiāmur, 1. Petr. 1, 5.

Carolus Magnus, cum in gravem tentationem incidiffet, dicebat: *Indignus sum, sed mox colligens ſe, addebat: sed tu Deus in- dignos recipis.*

Sic & tu verbo Dei innitere, & nunquam confunderis, sed in omnibus temptationibus palmarum reportabis.

Quodſi Dæmon tibi has cogitationes ſuggerit: Quis ſcit, utrum Christus etiam tecum ſit in cruce? Quis ſcit, utrum te adjuvaturus ſit? Quis ſcit, utrum te velit ſal- vum? Et ita conſequenter. Tu crede verbo, quod Servator dixit: Ecce, vobis ſum omnibus diebus uſque ad consummatio- nem ſeculi, Matth. 28. v. ult. Item, ne timeas, quia ego tecum ſum, Eſa. 41, 10. Et iterum: Venite ad me omnes, qui laboratis, Matth.

II. v. 38. Hic nemo prorsus exclusus eſt, ſed qui laborat & oneratus eſt, ad Christum venire, ejusq; refectione frui debet. Qui ita verbo adhæreficit bene facit, eſt enim lu- cerna, lucens in loco caliginoſo, donec lu- cifer oriatur in cordibus nostris, 2. Petr.

I. v. 19.

III. *Tanquam vita noſtra conservator,* Regii filius jam in agone decumbebat, ſed simulac Christus dicebat: Filius tuus vivit, mors cedere cogitur, & ipſo illo momento reconualeſcit, ex quo apparet, quod mor- tem & vitam in manu ſua habeat. Nemo e- nim noſtrum ſibi vivit, Rom. 14, 8.

Pharao perſuadebat ſibi, ſe Israēlitas ſup- pressurum, nemine id ſibi prohibente, ideō omnes masculos in flumen projicere mandabat: ſed quanto magis opprimebat eos, tanto magis multiplicabantur, Exod. 1, 10.

Haman edictum Sanguinarium co- tra iudæos jam impetraverat, & ut omnes per totum Ahasveri imperium, uno die truci- darentur, adoraverat: ſed Deus facile in- hibere poterat, cum enim executio inſta- ret, epiftolæ mittebantur per veredarios, qui per omnes provincias diſcurrentes, ve- teres literas novis nunciis prævenirent, Est. 8. v. 9. ſeqq.

Rex Hiskias agrotabat uſque ad mor- tem, ſibi q; certiſſimam mortem inſtare au- diebat: ſed Dominus hic ad preces ejus à morte revocabat, quindecim annos vitæ e- jus adjiciens, Eſa. 38, 6.

Jonas erat in ventre ceti, nec ulla ſpes vitæ ſuperere videbatur: ſed cum hic Do- minus pifci mandaret, evomuit illuminari dam, Jon. 2. v. 4, ſeqq.

Hocadhuc hodiè præſtare potest: ma- nus enim ejus abbreviata non eſt, Eſ. 50, 2. ſed ut nobis vitam naturalem in utero ma- tris

Dominica XXII. post Trinitatis.

tris mirabiliter dedit, Hiob 10.v.10. sic & o-
mni bus vitam & inspirationem dat, in ipso
enim vivimus, movemur & sumus, Act. 17.
v. 25. 28. Imò postquam spiritum Domino
no stro reddidimus, & quoad corpus terræ
mandati sumus, nos die novissimo ad æter-
nam vitam resuscitaturus est. Hæc enim vo-
luntas Patris mei, qui misit me, ut omnis,
qui videt filium, &c. ait ipse, Joh. 6.v.40.

Hac consolatione fulciamus nos adver-

sus horribilem mortis intuitum, ne nimium
consternemur, sed cum Jobo dicamus: Scio
quod Redemptor meus vivit, Job. 19.v.26.
Illic verâ vitâ perfruemur, Sir. 48.v.12. quæ
nunquam finietur, sed ab uno seculo in ali-
ud continuabitur, in beatâ æternitate, &
æternâ beatitudine quam nobis omni-
bus Deus largiridignetur,

Amen.

* *

Dominica XXII. post Trinitatis.

Evangelium Matth. 18, v. 23....35.

EXORDIUM.

Cumpiissimus ille Rex Josia librum
legis legi audisset, & ex eodem intel-
lexisset, neque se, neque Patres suos
verba illius libri servasse: tanto propterea
dolore percussus est, ut sciderit vestimenta
sua, 2. Reg. 22.v.10.

Hic triplicem librum nobis in memoriam
revocabimus:

1. Est *codex Scripturae*, quem nobis Ser-
vator apprime commendavit, ut in eo stu-
diose scrutemur, Joh. 5.v.39. estenim testa-
mentum Altissimi, Sir. 24.v.32. scriptum
non atramento: sed Spiritu Dei vivi. 2. Cor.
3.v.3. de summis mysteriis, temporibus æ-
ternis tacitis, Rom. 16.v.25. eo fine, ut vi-
tam æternam habeamus, in nomine Domini
nostrí Jesu Christi, Joh. 20.v.ult.

2. Liber *conscientia*, in quo omnia pec-
ata scripta sunt stylo ferreo, & acuto ada-
mante exarata, Jer. 17. v.1. qui hanc illibam
servat, & studet sine offendiculo con-
scientiam habere ad Deum & ad homines
semper, exemplo Pauli, Act. 24.v.16. in bo-

no cordis vestigio latari potest, Sir. 17.v.13.
Qui vero eam variis peccatis contamina-
vit, causam habet ex animo dolendi, & non
ut Hiskias vestimenta, sed cor scindendi, &
ad Dominum Deum suum convertendi,
Joel. 2.v.13.

3. Liber *culpa*. Quem Deus omnibus
hominibus proponit, ut in eo, velut in tri-
plici indice videre queant 1. *Quid à Deo
accepterint*. 2. *Quomodo eo nisi sint*, & 3. *quam
rigorosaratio quondam reddenda sit*.

Primus concernit maxima Dei benefi-
cia, quæ Deus nobis à ventre matris nostræ
fecit, secundum misericordiam suam, Sir.
50.v.24. dum nobis non modo panem quo-
tidianum largitur, Matth. 6.v.10. & præstat
omnia abundanter ad fruendum, 1. Tim. 6.
v. 17. sed & imprimis omni benedictione
spirituali in Christo nos benedicit, Eph. 1.3.
adeo copiose & affatim, ut confiteri tene-
mur, esse nos minores cunctis miserationi-
bus, & veritate, quam implevit in nobis,
Gen. 32.v.10.

Secun-